

乾

象

通

鑑

乾象通鑑卷第八十

河間府免解進士臣李季奉

聖旨編

列舍翼宿後論

歲星犯翼宿

熒惑犯翼宿

鎮星犯翼宿

太白犯翼宿

辰星犯翼宿

客星犯翼宿

彗星犯翼宿

孛星犯翼宿

流星犯翼宿

雲氣犯翼宿

歲星犯翼宿

天文別錄曰歲星循軌度不失常色犯守翼宿其國王道平禮樂興四夷來王諸侯面內若不循軌失行失色或有芒角犯翼宿其野有兵喪亦曰臣有異志

天文總論曰歲星逆犯翼宿經百日不去去而復居之及二十日者其國文祿造祿言淫惑良善妬害時政

陳卓叙占曰歲星失本色逆犯翼宿其野有淫祀亦曰淫女入宮

石申曰歲星逆犯翼宿環繞成鉤已其國受禍人君

惡之若光芒四散失行及失本色犯之者其國女生  
有憂亦曰女主干朝政外戚用權

黃帝占曰歲星失行不順軌度犯守翼宿其分臣下  
有竊柄亦曰諸侯自立

石申曰歲星逆犯翼居之百日有芒角者其國有兵  
火居之百日去而復居之者其國有謠俳倡女入後  
宮若環繞成鉤已有光芒者其國有女喪亦曰美  
文干朝政

京房災異後序曰歲星經天犯翼宿國不制夷狄遠  
人負固不服

大象通占曰歲星逆犯翼有光芒四散不收其外國有  
兵侵并宿國亦曰臣下竊主柄

夏氏占曰歲星逆犯翼色青白則其國有淫樂作人  
君不修德色赤則其野有遠寇入境色黑有芒  
角其野有死君亦主大臣失柄及有陰謀

熒惑犯翼宿

天文別錄曰熒惑逆犯翼中星則樂府有淫聲天  
子耽樂若有光芒四出不收若燈光者其國有兵火  
亦曰兵喪

天文總論曰熒惑失行失度逆犯翼宿是謂易常熒

惑易常犯翼其國有兵兵止無兵兵起亦曰內變  
陳卓叙星占曰熒惑亂行犯翼有光芒失本色者夷  
狄交侵所宿國若光芒乍東乍西乍南乍北不定  
者更立王侯

陶隱居曰熒惑失行環繞成鉤已者則其野樂府有  
火災亦曰樂府有兵變

文曜鉤曰熒惑逆犯翼宿其野四夷不賓夷狄不受  
制于中國若光失本色其國死居

乙巳略例占曰熒惑失行變色狄翼居之七十不  
去者夷狄有使至中國右申言翼主四夷失行

變色行非其常故夷狄非時有使至者謂此

稽曜鉤曰熒惑逆犯翼而經天成鉤已犯之者爲  
犯深其野有兵憂

石申曰熒惑犯翼宿其野有不庭之方負固之民犯  
之久而不去或去而復居之主四夷交侵其國削  
地亦亡國

京房外傳曰熒惑犯翼宿光芒四出失度失色其國  
喪地亦主流徙人民及糴貴

武密曰熒惑犯翼宿奄大星不見其國有女主干政  
亦主外親擅權

鎮星犯翼宿

天文別錄曰鎮星逆犯翼宿出入留舍及芒角四出不收其野有暴兵起亦主國臣失土夷狄不賓

天文總論曰鎮星逆犯翼宿有光芒及中星者其野受兵亦主臣下逆上命

黃帝占曰鎮星變色失行逆犯翼宿所宿國失刑賞臣下枉法濫及良善亦主人君惡之

郝萌曰翼主四夷鎮星逆度犯守則其國女主有疾病亦主女主干政失身受禍

陳卓叙星占曰鎮星逆翼宿有芒角乍東乍西失



本色犯之其國樂府有興造亦主樂府有淫聲  
流播民庶國祚將亡之象

夏氏占曰鎮星犯守翼宿留舍退行光芒四出不  
依常色其國受殃

大象通占曰鎮星經天守犯翼有光芒失本色其  
國四夷侵陵失地陷城亦主臣下有叛謀

京房外傳曰鎮星犯翼環繞成鉤已有芒角失  
常色居之五十日者其國有兵主國有失戰流血  
乙巳略例占曰鎮星逆犯翼其野受兵

陳卓敘占曰鎮星逆犯翼宿其野民不戴君亦曰天下

有篡逆之象也

京房易祚告曰鎮星逆犯翼宿其國臣不臣亦曰有謀叛

太白犯翼宿

天文別錄曰太白逆犯翼其野有兵居之久則外寇至若流血

天文總論曰太白經天犯翼其國有白衣會亦曰國有大喪

陳卓叙星占曰太白失行逆度犯翼其野人君惡之亦曰人君有淫志

黃帝占曰太白晝見犯翼其國有死君亦主君不  
君臣不臣有叛逆謀

夏氏占曰太白不循軌度失常色犯翼宿光芒四  
出乍東乍西其野樂府有淫聲人君有淫志國  
人尚文樂社稷將亡之象

京房外傳曰太白失行逆犯翼宿其國受禍居之  
二十日有大喪

大象通占曰太白環繞翼宿成鉤已其國君惡  
之不救則將喪國

一行將儀後論曰太白不循度入翼是謂反常又曰

反常所宿國受殃

京房易祿占曰翼主四夷外國太白失度犯之外國交侵所宿國若光芒四散奄翼星其野兵起不有殺將必有屠城

陶隱居曰太白經天環繞犯翼宿光芒四散微炘其國君受禍亦曰女主惡之

荊州總占曰太白經天失常色失本度逆犯翼其國有白衣會亦主太喪若光芒不定尤甚

晉惠帝光熙元年四月太白失行入翼占曰太白失而比是謂反生不有破軍必有屠城五月汲桑

攻鄴魏郡太守馮嵩出戰大敗桑遂害東燕  
王騰殺萬餘人焚燒魏時宮室皆盡

晉孝武帝太元十四年六月辛卯太白晝見于翼  
占曰爲水旱爲兵爲饑十五年翟遼掠司充衆  
軍累討不尅慕容垂又跨略并冀等州七月  
旱八月諸郡大水兖州又蝗

### 辰星犯翼宿

天文別錄曰辰星犯翼宿其國君尚奢侈悅聲  
音若光芒四散不定又失常色者淫風大行石申  
言翼主樂府俳倡者謂此

天文總論曰辰星乘凌翼宿及光芒四出其國憂大水亦曰女主有疾病

黃帝占曰辰星犯翼宿若居之百日者其國有大喪亦曰女主失寵

一行游儀後論曰翼主四夷辰星芒角炘若燈焰失行犯之其國四夷不賓及有兵起亦曰臣不受制於王者

文曜鉤曰辰星干犯翼宿若經天凌犯有光芒其野有淫樂及有俳倡入後宮

荊州占辰星失行犯翼宿其國流徙民糴貴光芒

卜東卜西其國樂府有淫聲

黃帝占曰辰星乘凌翼宿不去及二十日天子失賞  
罰柄

夏氏占曰辰星犯翼宿光芒不收失本色純蒼白  
光卜東卜西其國王者失權亦曰所宿國失祚  
河圖稽曜鉤曰辰星失行犯翼是謂亂行樂府星  
其野淫聲大行人君恣逞亦曰俳倡入宮

陳卓叙星占曰辰星變色不循軌度犯翼其野流  
血于地亦曰天子失刑人君受制

荊州總占曰辰星失行犯翼其國有兵火

後漢光武建武十二年八月辛酉水見東方翼分巫咸曰水見翼多火災石申言爲旱

客星犯翼宿

天文別錄曰客星凌犯翼宿其外國有使至亦曰臣下專主制

天文總論曰客星乘翼則天子受制于諸侯亦曰夷狄交侵中國

黃帝占曰客星犯翼芒角不收其國交侵爲夷狄所有亦曰其野喪地失國

陳卓叙星占曰客星乘犯守翼宿光芒四出若風動



增其下人臣擅人君權亦曰有叛謀

京房災異後序曰客星乘凌守翼其野有兵火亦主  
四夷不賓中國石申曰翼主四夷遠客及負海之  
賓謂此

乙巳略例占曰客星乘凌守翼其國有亡社稷亦曰  
臣下失君

京房易秩占曰客星犯翼其色青或赤白其野有  
改立侯王亦曰其野臣不臣

夏氏占曰客星犯翼乘凌守之不去其野有外國  
使至亦主外國有進美女者

荊州總占曰客星留舍翼宿乘之不去其野有兵火  
亦曰防外寇至

郝萌曰客星使星也使星犯守翼宿其女有饋女樂  
者謂翼主樂府也

### 彗星犯翼宿

天文別錄曰彗本在翼芒刃指他星其所宿國禍輕  
芒刃所向尤甚在翼則淫風移俗謂翼主俳倡  
樂府也

天文總論曰彗星出翼光及尋丈炆若火炬者其  
國流血四夷交攻其國主失祚祀

陳卓叙星占曰彗星飛犯翼宿其國女主有疾亦曰  
外親干政

京房災異後序曰彗星犯翼芒角干他星所宿國  
失主權亦曰國君惡之

石申曰彗本出翼光芒四射他星其野有兵火亦曰國  
有大喪

京房易祿占曰彗本有光芒四出不收旁及他星光  
長數丈若火炬其國有白衣之會亦主國有大喪  
大象通占曰彗星犯翼其光芒犯星其野有自立侯  
王亦曰臣下有僭上

乾象新書曰彗犯翼宿光芒竟天下不救則期流血  
王者改命亦曰國有失祚

一行游儀後論曰彗星出翼色蒼白其野有兵火  
色赤黃其國失祚色青黑其國失柄

### 孛星犯翼宿

天文別錄曰星孛干翼宿光芒四散不收其國有立  
王亦曰有不受制諸侯

天文總論曰星孛光炁犯翼宿其國四野有不庭  
方亦曰諸侯有自立者

陳卓叙星占曰孛星出翼宿其野受兵亦主兵喪

京房易祿占曰孛星出翼宿其國有自立侯王亦曰  
女主干政

荊州占曰孛星出犯翼宿其野憂兵火亦主外寇至  
京房外傳曰孛星干犯翼色白炁光不滅者其國流血  
有大兵火

大象旁通曰孛星出翼其國受禍亦主女喪

通天總占曰孛星干犯翼其野四夷交攻國失祚亦  
主國失地

京房外傳曰孛星干犯翼乘之不滅者其野有四  
夷不賓之變亦主臣下失職臣不臣之象

陳卓叙星占曰星孛于翼其國失祀亦主女主于政  
陶隱居曰星孛于犯翼光炁不滅者其野失祚人居  
惡之

一行游儀後論曰孛星于犯翼宿光芒抵之不滅者  
其國美文于君政國將失祚之象

魏明帝太和六年十一月丙寅有星孛于翼占為兵  
喪耳氏曰彗孛于翼所當之國受其殃翼又楚  
分野孫權封略也明年權又遼東之敗又明諸  
葛亮入泰川孫權發兵緣江淮也要衝權自圍  
新城以應亮天子東征權

晉孝武帝寧康二年正月丁巳有星孛于翼占曰有  
兵喪至太元元年七月符堅破涼州虜張天錫

### 流星犯翼宿

天文別錄曰流星犯翼宿樂府有淫聲抵之滅而復  
流出翼其國有夷狄往來有異謀

天文總論曰流星抵觸翼宿滅而復流出翼其野  
有俳優女樂入宮中

陳卓叙星占曰流星抵翼光芒盈丈者其國有憂兵  
京房災異後序曰流星抵翼其國有兵火民饑  
陶隱居曰流星出翼天子遣使往西夷流星入翼四

夷有使至然色黃光芒不耗者吉餘色及芒盛者  
皆凶

黃帝占曰流星抵翼光芒及尋丈者其國失祚又  
曰有更立王侯

一行游儀後論曰流星出翼樂府有火災光芒耗若  
火炬者如此

乙巳略例占曰流星抵翼色赤及光芒及尋丈者其  
國大荒淫移變國俗淫風妬國政天子尚女樂  
亦主美女干時政

河圖稽曜鉤曰流星抵翼翼主四夷流星觸之其



國四夷不賓遠人不服其國為夷狄交侵

夏氏占曰流星抵觸翼宿及尋丈其分有臣下叛  
亦曰有婦人喪

雲氣干犯翼宿

天文別錄曰有蒼白氣犯翼則樂府荒居志下民  
姿淫風亦曰天子尚女樂又曰俳優入後宮有氣  
犯翼其野憂內變亦曰有叛臣有赤氣竟天犯  
翼環繞不他宿其國為夷狄所掠

天文總論曰有青赤雲犯翼宿其野憂糴貴野有

陳卓叙星占曰有赤黃氣環繞翼宿其國有火災亦曰

樂府憂火有白紅氣環之不散終夜其野有立王  
亦曰有失祚諸侯

陶隱居曰有青黃氣竟天抵翼宿有兵兵止無兵  
兵起亦主有女喪及女子干政

乾象通鑑卷第八十

乾象通鑑卷第八十一

河間府兌解進士臣李季奉

聖旨編

列舍軫宿前論

軫宿統占

軫宿所主分野度数

軫宿所管星

日蝕軫宿

日暈軫宿

月蝕軫宿

月暈軫宿

月犯軫宿

軫宿統占

傳曰軫四星主冢宰臣輔也主車騎主載任凡有出

入皆占於軫又主風亦主死喪星明則車騎備動  
則車駕用轄在傍主侯王左轄爲王者同姓右  
轄爲異姓星明兵大起轄遠軫內轄舉南亦侵  
長沙一星在軫中主壽命明則主壽命長子孫  
昌又曰車無轄國有憂軫就聚兵大起

石申曰軫四星赤在翼東爲輔臣占曰明則車騎備  
有所犯將臣憂

黃帝占曰軫星聚則憂兵軫星離則主將死一星  
不見大臣惡之

陳卓叙星占曰軫星不聯屬則宰輔有憂亦曰貴臣

受辱輔臣惡之

夏氏占曰軫星與兩轆相就聚則車駕不備亦曰車  
騎滿野亦主兵起

京房外傳曰軫星不明則期三日大風軫與轆並明  
則國同姓有叛謀亦曰左轆與軫並明則同姓有  
叛謀右轆與軫並明則異姓有叛謀

陶隱居曰軫與轆遠則車騎盈野轆舉則蠻夷  
不賓亦南蠻

文曜鉤曰軫星明大而有光芒其野有兵喪軫星  
明大有芒角四出則宰輔有憂亦曰輔臣被黜

春秋元命包曰軫星明大而有芒角與輅相射光  
小大等其野有死喪亦曰有兵喪

大象通占曰軫星暗輅星俱明則國有載任不備車  
騎如之亦曰軍儲不繼又曰其國同姓擅權

海上占曰他星乘軫中居之不去則王者壽命永昌  
中星明大壽命長子孫衆多

軫星所主分野度数

傳曰軫四星左右輅二星一十七度距西北星去極一  
百一度在赤道外十度

舊經軫四星一十七度距西北星去極九十八度

唐一行測軫距西北去極一百度

天文別錄曰軫宿楚之分野屬鶉尾其野屬零陵  
桂陽武陵長沙外國天竺耽身師子并九小國

軫宿所管星

太微東蕃南門左星爲左執法入軫初度

卽位在帝座東北頭大星入軫五度

卽將星在太微東北入軫一十二度

平星在角南庫樓北其西星入軫一十六度

庫樓星在角南其西北星入軫一十七度

南門星在庫樓南其西星入軫一十度



長沙星在軫中入軫二度

進賢星在平道西入軫一十五度

九卿星在五諸侯南其西星入軫三度

內五諸侯在即位南其西星入軫一度

三公星在九卿星南其西南星入軫七度

謁者星在太微門內左執法北入軫一度

天門星在角南其西星入軫一十四度

青丘星在軫東南其北星入軫一十二度

### 日蝕軫宿

天文別錄曰日蝕軫宿期百日有兵起亦曰車騎盈野

天文總論曰日蝕軫宿則車駕不備從上始者輔臣有憂從下始者其野有死將從中始者人君惡之

石申曰日蝕在軫近左轄則同姓受辱亦主下獄受刑蝕軫近右轄則異姓有陰謀

陳卓叙星占曰日蝕軫在甲乙日其國有兵兵止無兵兵起蝕在丙丁日其野有死喪蝕軫在戊己日則車駕之臣用蝕軫在庚辛日其野破軍殺將亦曰不有死軍必有屠城蝕軫在壬癸日則宰相被戮黃帝占曰日蝕軫近左右轄其野動兵亦曰其國

有大喪

夏氏占曰日蝕軫色青則蠻夷不賓亦曰專主南蠻  
色白則其野受兵亦曰有外寇至色赤其野車駕  
不備出兵敗軍殺將色黃出軍迎大風飄瓦石不  
利行兵色黑其野有兵火亦主死喪

京房災異後序曰日蝕在左轄則同姓有憂在右轄  
則異姓有陰謀

日暈軫宿

天文別錄曰日暈軫不周匝者期三日有大風又曰  
軫主風者此也

天文總論曰日暈再重周徧在軫內青赤外黃黑者其野有兵、

黃帝占曰日暈三重周徧在軫者其野車騎四出舉事皆凶亦曰出兵破軍死將

石申曰日暈三重及五重周環在軫內多青赤黃外多黑氣或蒼黃色者其國兵大起其君受制強臣

陳卓叙星占曰日暈再重在軫上有白虹貫之内外相聞者其野有大喪亦曰有白衣之會

京房災異後序曰日暈三重周匝在軫旁有黑氣雲上

有冠氣乘之者其國同姓有叛謀亦曰人臣竊主柄

陶隱居曰日暈并重周繞在軫旁有瑇瑁有承氣有戴氣者其野車駕備有黑氣乘之則其野憂兵喪

### 月蝕軫宿

天文別錄曰月蝕在軫其野憂兵亦曰有兵喪

天文總論曰月蝕在軫近左轄則同姓有憂近右轄

則異姓有陰謀若蝕之旣或蝕不在朔者尤甚

黃帝占曰月蝕軫過二時不復者其國輔臣有憂

歷三時不盈者其國兵大起至曙不盈者國有大喪

石申曰月蝕在軫從上始者人君惡之從下始者輔

臣被黜從中始者憂內叛亦曰有同姓憂

陳卓叙星占曰月蝕軫色青其分車騎不備色白其國有兵起色黃則冢宰有憂色赤則車輅有火災色黑則臣下有陰謀

却萌曰月蝕軫外有黑氣相奄者臣下不受制于君亦曰臣下有逆謀其野冢宰受戮亦曰人臣受禍

却萌占曰月蝕夢有雲氣相奄蝕之既至曙不生光者其野有女喪

京房災異後序曰月蝕軫宿至曙不盈者不救則大臣

受禍其救也人君修德以禳之減常色避正進賢  
退不肖雖蝕不爲殃

一行游儀後論曰月蝕近左右轄則其國車騎盈野皆外寇暴至  
武密曰月蝕軫在甲乙日其國人臣有陰謀在丙丁日  
有兵喪在戊己日其分臣不臣在庚辛日其野有屠  
城在壬癸日其國失祚

大象旁通曰月蝕軫不及二分者主大風不為殃蝕軫  
及五分已上者臣下被黜亦主大臣有憂

### 月暈軫宿

天文別錄曰月暈軫不周匝者期五日有大風石申

曰月在軫主有風暈軫不周其有風宜矣

天文總論日月暈再重周匝在軫內赤黃外青白者其野有死相亦曰輔臣被誅

黃帝占曰月暈軫及五重至七重旁有璫珥上有冠氣者及中有黑氣相奄其野女主有憂亦曰冢宰受禍

石申曰軫主車騎有暈周軫則車騎滿野亦曰車騎不備陳卓叙星占曰月暈軫內赤外白不及他色旁無雲氣亦無璫珥冠氣其野有小兵亦曰人臣驚

京房災異後序曰月暈純白不及他色中有黑氣奄



月其野有大喪亦曰國兵大起亦主天子自將兵  
一行游儀後論曰月暈再重在軫上有白氣貫之如環  
紐結兵喪外青黃內赤而中有黑雲氣來往出入  
者其國宰輔受禍氣從外入者禍重氣從內出者  
禍輕往來相奄不出者尤甚

武密曰占月暈七重至九重周軫通左右轄暈之者  
其國同姓擅權若有黑氣掩覆自外入者同姓受  
禍自內出者王者受制于人臣

郝萌曰占月暈九重周軫有黑氣乘月上下奄之  
其國君惡之中有白氣如練如環貫之者其野人臣

有異謀若氣上下貫之如柱然其國居失地亦曰有屠城人民受殃

晉海西公太和四年閏月乙亥月暈軫復有白暈貫月北暈斗柄三星占曰王者惡之六年桓溫廢帝

### 月犯軫宿

天文別錄曰月犯軫宿不出三日大風凡大軍出入必占軫宿謂候風雲之所向必自此也故石申曰軫不明軍不行者亦謂此也

天文總論曰月犯軫宿大風飄瓦

黃帝占曰軫主冢宰輔臣月陰道也臣道也月犯

乾象通鑑卷八十一  
之則臣下有憂犯守稍深其野有死相

石申曰月犯軫宿掩星不明則其國臣下有憂亦曰  
臣下受辱

陳卓叙占曰月犯軫轄則其國車駕不備亦主載任  
有憂亦曰王侯有憂石申言轄在軫兩傍主王侯者  
此也

郝萌曰軫主臣下月亦主臣下月犯軫其禍及人臣也  
明矣

井德言月犯軫星人臣受刑者亦此意也

京房外傳曰月犯軫左轄同姓有憂犯右轄異姓受

禍掩星不見者其野侯王有災

晉穆帝昇元五年三月丁未月犯鎮星在軫占曰為  
大喪五月穆帝崩七月慕容恪攻冀州刺史呂  
護於野王拔之護奔走時栢溫以大衆次宛聞護  
敗乃退

乾象通鑑卷第八十一

乾象通鑑卷第八十二

河間府危鮮進士臣李季奉

聖旨編

列舍軫宿後論

歲星犯軫宿

熒惑犯軫宿

鎮星犯軫宿

太白犯軫宿

辰星犯軫宿

客星犯軫宿

彗星犯軫宿

孛星犯軫宿

流星犯軫宿

雲氣犯軫宿

歲星犯軫宿

天文別錄曰歲星循軌不失本色犯守軫宿其國有賢  
宰輔若犯軫中其國車駕備亦曰其分有侯王興若  
逆度犯之又失本色其野有兵喪

天文總論曰歲星逆度亂行犯軫則其野有死豕宰若  
居之及七十日不去則其國有大兵起

陳卓叙占曰歲失本色有芒角及亂行犯軫轄星則王  
侯有憂

京房災異後序曰歲星不循軌度失色犯軫是謂變  
常歲星變犯軫居之不去去而復來其分有革命  
侯王亦曰臣下不制于天子

石申曰歲星逆犯軫宿亂行失度其分臣下竊主柄也  
曰諸侯有自立者

京房災異後序曰歲星失度失行守軫宿其野冢宰  
失職亦曰人臣有憂

高宗占曰歲星犯軫經左轄犯之者同姓逆上有不臣  
之謀經右轄犯之者異姓及臣下有叛謀

禮緯含文嘉曰歲星經天犯軫星中其國失大臣亦  
曰大臣失權

孫氏瑞應圖曰歲星失行逆犯軫宿其野有兵喪  
考經右杪曰歲星失行逆犯軫軫主冢宰輔臣歲



星之失行其分有大臣失權亦曰人臣有謀叛

廣古今占曰歲星逆行犯軫有光芒四出其國有大臣受禍

春秋考異鄒曰歲星逆行犯軫有光芒失本色本度是謂妄行歲星妄行犯軫其野車騎不備亦主兵出不戰

陳卓叙星占曰歲星逆行犯軫轄其野臣下竊主柄居之百日有芒角者其國有兵火

夏氏占曰歲星失常色及本度犯軫宿其野有兵色青臣下失職色白車騎及大兵起亦曰載任有憂

感精符曰歲星犯軫失行色赤有芒角其野有祲言亦害國大臣

熒惑犯軫宿

天文別錄曰熒惑者南方之精禮虧視失逆夏令傷火德則逆行失度若犯軫宿爲盜賊爲兵喪爲臣下有憂亦曰宰臣失職被黜

天文總論曰人居驕奢則熒惑逆行犯軫居之有光芒四出不靜又失常色其國居失賢臣亦曰賢相失位易坤靈圖曰熒惑逆行犯軫有芒角失本色炆若火炬其國有兵火

考經雄雉圖曰熒惑犯軫又失度不循順野有匿謀

在臣下

廣古今占曰熒惑失度犯軫有光芒四出指軫中星  
稍暗則人君有憂事屬兵火亦主國喪期百日  
禮斗威儀曰熒惑犯軫色青白有光芒者其國外寇  
暴至破軍殺將

高宗占曰熒惑犯軫逆而不順其色赤黃有芒角射  
輶不明則其國有自立侯王

詩緯推度曰熒惑犯軫宿其光芒四出侵輶星乍東  
乍西乍南乍北充不定者其野有兵火亦曰其

國有亡地

廣古今占曰熒惑失色逆行犯軫轄其光芒四出指  
轄星不定者其分有死相亦曰臣下有不臣之謀  
禮斗威儀曰熒惑逆度入軫中光芒射四星暗其分  
冢宰輔臣有憂亦曰臣下失職

陳卓叙星占曰熒惑犯軫宿光芒四出其分有兵火  
春秋緯考異郵曰熒惑犯軫宿有光芒侵軫轄者  
其野臣失權亦曰臣下被責

鎮星犯軫宿

天文別錄曰鎮星中央土之精也人居失信則逆行

若鎮星逆行犯軫王侯不寧

天文總論曰失行失度失常色其野有

久而不去或去而復居之其國有主命不成

黃帝占曰鎮星失行逆犯軫轄星光芒四出不收其

國人民有過

石申曰鎮星失度犯軫宿居及七十日其國興兵舉

衆亦曰有土役

孫氏瑞應圖曰鎮星失行逆犯軫有光芒則其野不

可食諸侯亦曰臣下有憂

京房易祿占曰軫主冢宰輔臣也鎮星鉤陳之精也

女主人臣之象也鎮星犯之不循軌度其國大臣  
有憂亦曰人主惡之又曰有女喪

禮緯含文嘉曰鎮星犯軫之左右轄其野王侯不寧  
亦曰人臣失職

河圖稽曜鉤曰鎮星犯軫宿其野有兵火犯軫左右  
星明大興鎮星等其國大人有喜

考經鉤命決曰鎮星犯軫中光芒少虧大人有壽  
祿永昌

論語讖曰鎮星犯軫宿光芒出入超舍而負固之  
臣

陳卓叙占曰鎮星犯軫宿光芒微細女主有憂

太白犯軫宿

天文別錄曰太白西方之精也義虧言失遂升  
金氣則罰見太白凡軍出入以候太白進退太  
白逆犯軫其國失君亦曰女主有憂

天文總論曰太白失行犯軫若光芒四出守舍

或去而復來其野流血主大兵起亦曰有兵喪

陳卓叙星占曰太白逆犯軫之轄其野王侯不寧

石申曰軫在轄兩旁主王侯者此也

春命包元命包曰太白經天犯軫其國有大喪

考經雌雄圖曰太白晝見舍軫其國有死相亦主臣  
下失職被黜爲兵喪

感精符曰太白犯軫之左右轄有光芒失本色其國  
王者受制于諸侯

孫氏瑞應圖曰太白逆犯軫宿有光芒侵四星

星失本色者其野人臣僭上亦曰有陰謀

星讚曰太白逆犯軫宿留舍出入久之不去及光芒

失本色不定者其野女主有憂亦曰輔臣惡之

晉康帝建元元年八月丁未太白犯歲星

有太兵是年石季龍



晉孝武帝太元十四年

曰爲兵爲水旱歲饑二十五年翟遼

軍累討不剋慕容垂又跨略并冀州等七月  
月諸郡大水兗州又蝗

辰星犯軫宿

天文別錄曰辰星者北方之精人君智虧聽失

星犯他宿若失行不循度犯軫是爲亂行辰星  
亂行遂犯軫宿其野大饑糴貴

天文總論曰辰星不當居軫而居之是謂擊卒辰  
星犯軫人臣有憂

黃帝占曰辰星犯軫宿光芒四出侵星中其野

有喪亦曰臣下失寵用

黃帝占曰辰星犯軫宿光芒四出侵軫星光明稍微者其野有兵喪亦主人臣竊主柄

孫氏瑞應圖曰辰星逆犯軫宿有光芒不定又失本色者其野豕宰輔臣失職或大臣受刑

河圖稽曜鉤曰辰星經天犯軫留舍環繞成鉤已者其國有白衣會

河圖 微篇曰辰星成鉤已犯軫宿其國

載任有虞亦曰主

感精符曰辰星失行

漢孝武帝本始四年七月甲辰辰星在軫

曰兵起上卿死將相誅也

### 客星犯軫宿

天文別錄曰客星使星也石申曰使星出軫車騎備  
耳德曰客星出軫宿車騎盈郊野

天文總論曰客星犯軫中光芒明大乍東乍西乍南  
乍北不定者其野臣下專制賞罰不出天子

黃帝占曰客星出軫侵左右轄其野有自立王侯石  
申言軫主王侯者此也

夏氏占曰客星乘凌軫其國有兵火亦曰有臣不臣  
陳卓叙星占曰客星乘軫之左轄其國同姓不道主命  
乘軫之右轄其臣下不受制于天子

一行將儀後論曰客星乘軫犯軫中其國君憂  
大象旁通占曰客星乘凌軫宿犯星中不去其國  
有自立侯王亦曰臣竊賞罰柄者

京房外傳曰客星守犯軫宿芒角由出侵星不明  
其野有憂兵火亦主流亡人民

荊州統占曰客星乘軫不去其國有災亦曰

秋漢

京房災異後序曰客星乘犯軫宿其野有

失職

魏少帝并露四年十月丁丑客星見太微中轉東  
行歷軫宿積七日城占曰客星出太微有兵元  
元年高貴卿公被害

彗星犯軫宿

天文別錄曰彗星犯軫宿芒角炘若火光指軫宿其  
野有相死亦主有大臣失權受誅石申言軫主  
冢宰輔臣彗之所在故不能無害大臣也

天文總論曰彗本在他度光芒指軫中其野有大水  
亦曰主大兵起

黃帝占曰彗本在軫光芒射轸者其分王侯不寧  
石申曰彗出軫中輔臣乘空謂軫主輔相彗犯宰  
輔惡之故言乘空也又曰彗自軫始輔臣罪死  
廣古今占曰彗星犯軫之轸其國車騎交攻載任有  
憂亦曰天子失御

河圖帝覽嬉曰彗星光芒掃軫其國有死相亦  
曰其分有兵

天文總論曰彗出軫下其分叛謀

武密曰彗星出軫中光芒 侵左轄其國有

之憂亦主臣異謀

漢武帝泰始四年正月丙戌彗星見軫青白色

行又轉東南行占曰為兵喪軫又楚分野三月

太后王氏崩十月吳寇江夏襄陽

魏齊王正始七年十月癸亥彗星見軫長一尺百

五寸六分滅至九年七月又見翼長二尺進至軫

積四十二日滅占曰翼軫為楚分野主兵喪至嘉

平元年宣帝誅曹爽兄弟及其黨皆事京  
師嚴兵三年誅楚王彪又襲王凌於淮南楚  
也魏諸王幽于鄴

孛星犯軫宿

天文錄曰星孛于軫芒角指左右轄其國有自立侯  
王若芒角指軫中王者惡之

天文總論曰星孛于軫芒角射軫中其分臣下有匿  
謀亦主婦人干朝政

黃帝占曰星孛于軫軫



京房災異後序曰星孛于軫其野有憂驚亦曰女  
主于時政若孛于軫旁及轄左其野有不制人臣  
陳卓叙占曰孛于軫左轄主異姓之親受寵竊權若  
光芒勝軫親死而寵衰

高宗占曰孛星出軫中及光芒四出炘若火然其分有  
疾疫下民有殃

魏元帝咸熙元年十二月有星孛于軫占曰天下兵  
起至咸熙二年傾三方伐吳是其應也

晉孝武帝寧康二年正月丁巳星孛于軫占曰主兵  
喪至太元元年七月符堅破涼州虜張錫

### 流星犯軫宿

天文別錄曰流星犯軫宿其野有使至星自外入者  
使從外來星由內出者使自中遣石申曰流  
子使星也星之出入以候去就若星出軫天

### 大臣出疆

天文總論曰流星出軫其野有車騎用流星入軫  
其分車駕備

詩緯推度曰流星出軫天

大使出彊若

若炬火其分有女主于政

晉孝武帝太元六年十月乙卯有奔星東南經  
聲如雷占曰楚地有兵軍破百姓流亡十二月  
符堅荊州刺史梁成襄陽太守閻震率衆伐竟  
石虔擊大破之生擒震斬首七千獲生口萬人  
星如雷將帥怒之象也

雲氣化軫宿

天文別錄曰蒼雲竟天犯軫宿其野人民有憂赤  
黃氣環繞軫宿其分宰相憂外寇至青白氣環  
繞軫宿其野女主失寵黑氣竟天蔽軫其國大  
兵起

孫氏瑞應圖曰蒼雲竟天犯軫宿其國君受辱  
諸侯擅天子柄

感精符曰赤雲氣如羊馬蔽軫宿其國受兵有  
如嬰兒戲在軫其國外戚專權亦主異姓受  
寵

圖佐輔曰蒼青氣蔽軫其國臣下受殃亦曰女主失寵

乾象通鑑卷八十二

乾象通鑑卷第八十三

河間府免解進士

臣李季

聖旨編

列東方雜座統論上

平道星

周鼎星

攝提星

大角星

天田星

梗河星

招搖星

天門星

帝度星

平星

南門星

庫樓星

陽門星

平道星論

平道統占

客星犯平道

彗孛犯平道

流星犯平道

雲氣犯平道

平道統占

天文別錄曰平道二星黑在角中央東西斜列為八達之衢也

甘德曰平道星明正則吉動搖則法駕有虞

天文志曰左右角間二星曰平道之官

黃帝占曰平道明則道路通商賈至天下和平星暗則天子出宮法駕有虞星亡則國無君星動搖王

者不安

陳卓叙星占曰平道二星亡一星則天子移蹕二星俱亡則法駕有虞

廣古今占曰平道星明則王侯安寧星暗則天子下殿亦曰王者有憂

感精符曰平道星離則八達之衢有兵起亦曰天街有暴兵

### 客星犯平道星

星傳曰客星犯平道則外夷走天街亦曰夷使入境陳卓叙星占曰客星乘凌平道星則法駕有憂虞乘



之不去去而復居之則天子無出宮亦曰王者有憂  
星讚曰客星犯平道兩星之間則天街有兵起

海上占曰客星乘凌平道光奄平道星亡則天子  
駐蹕他方亦曰天子移蹕

### 彗孛犯平道星

天文別錄曰彗孛犯平道則車駕亂行若光芒可文  
所炷若火炬狀則王者惡之

京房外傳曰星孛犯平道星中天衢有火災若星孛  
平道天衢有兵起

陳卓叙星占曰彗出平道則法駕播遷亦曰國祚移

宗廟不守

京房外傳曰星孛平道中則天子潛行亦曰王者親道路

流星犯平道星

天文總論曰流星使星也流星出平道則王使出天  
天衢流星入平道則天子遣使出疆

一行游儀後論曰流星出入平道中則使者往來接  
踵于天街

陳卓叙星占曰流星犯平道則有光芒可尋文所  
若火炬上侵左右角則王者遣使使夷狄

雲氣犯平道星

天文別錄曰有蒼白氣奄平道一星則天街有兵起  
亦曰天街有兵出入有青赤氣奄平道則天街有  
火災有黑氣奄閉平道則天下道路不通

陳卓敘星占曰青氣奄平道有大將出兵大戰利攻  
戰不吉有白黃環繞平道及奄左右角則天子法  
駕有憂

周鼎星論

周鼎星統占

客星犯周鼎

彗星犯周鼎

流星犯周鼎

雲氣犯周鼎

周鼎星統占

天文別錄曰周鼎三星黑在西攝提北斜列主國之

神器

甘德占曰周鼎星不見或移則運祀衰不然則亦曰  
主流亡

夏氏占曰周鼎神器主國祚昌神器綿遠星明則國  
祚昌神器綿遠星暗則大業不守國祚不繼

感精符曰周鼎星移則國之運祀不昌星亡則王者流亡  
京房易祿占曰周鼎星不聯屬三星相遠王者散徙

失國祚子孫不昌

荊州占曰周鼎星移則其國失祀與戎失二星則王者遷都三星俱亡則亡者流亡

客星犯周鼎

天文別錄曰客星犯周鼎神器失御亦曰臣下叛謀天文總論曰客星犯周鼎則大業為臣下所擅亦主人臣竊天子柄

陳卓叙星占曰周鼎明客星凌奄無光則神器失守王者惡之

夏氏占曰周鼎星暗客星乘之光不見者則天下有

竊主權人臣僭上亦曰有自立諸侯

彗星犯周鼎

天文別錄曰彗本出周鼎光芒不及他者王者失御  
亦曰人君惡之

陳卓叙星占曰周鼎有星孛其國人君失戎祀亦曰  
失國祚

荊州總占曰彗星出周鼎光芒可丈餘者人君失神器  
夏氏占曰有星孛于周鼎則人臣竊天子權亦曰臣  
僭上

流星犯周鼎

天文別錄曰流星出周鼎則外國侵境上亦曰國祚  
失繼

京房災異後序曰流星出周鼎光芒炆若火炬者其  
外夷有使入國亦曰外國有兵侵邊境

一行游儀後論曰流星犯周鼎有使接踵道路其國  
君不安亦曰神器有虞

雲氣犯周鼎

天文別錄曰有白氣犯周鼎則大將有陰謀篡神御  
亦曰下僭上

天文總論曰神氣失御則有黑氣奄周鼎

陳卓叙占曰青赤氣環繞周鼎則大寶不繼子孫不承祀

孫氏瑞應圖曰有赤氣繞周鼎運祀失承子孫不昌

攝提星論

攝提星統占

客星犯攝提

彗孛犯攝提

流星犯攝提

雲氣犯攝提

攝提統占

天文別錄曰東西攝提六星東西各三星西攝提北  
大星入角六度東攝提南大星入亢八度六星東



西挾大角為大臣之象

石申占曰攝提星溫潤不明則天下安明大則君怒  
客星入則聖人受制

大象占曰直斗柄之南六星曰攝提主建時節伺機  
祥攝提為楯以夾擁帝席也主九卿明大則三公  
專恣

古今星釋曰攝提六星移度失常則其國有兵起其  
曰不有破軍必有死將

晉安帝隆安二年六月戊辰攝提移度失常是年六  
月郗恢遣鄧啓方等以萬人伐慕容寶於滑臺敗

而還

客星犯攝提

天文別錄曰客星入攝提中聖人受制

大象旁通曰客星入粉絮狀如桎大秉守攝提近帝席則大臣有驚憂一曰大臣惡之王者不安

古今星釋曰客星乘守攝提留二十日不去者人臣專傲無君一曰三公擅天子權

彗孛犯攝提

天文別錄曰彗孛犯攝提星則大臣有以罪坐法者若星本在右攝提中光炸于外則天子有憂一曰

人臣失勢

大象旁通曰彗星犯攝提長可數丈則三公九卿惡之若尾掃帝席則天子不安

古今星釋曰星孛攝提中主天子失勢一曰人君受制于疆臣

唐龍朔三年八月癸卯有彗星見于左攝提長二尺餘乙巳不見攝提立建時節之象

### 流星犯攝提

天文別錄曰流星出攝提則三公出使若流星入攝提中抵帝席則聖人受制

古今星釋曰流星抵攝提則大臣失職若抵左攝提則三公專恣無君若抵右攝提則九卿有匿謀

雲氣犯攝提

天文別錄曰蒼白雲入攝提中則貴臣握兵叛不奄帝席謀不成若黑氣入攝提則三公有憂亦曰貴臣坐法若黃雲氣入攝提則九卿受天子美祿一曰天子以帛玉賜貴臣

大角星論

大角星統占

客星犯大角

彗孛犯大角

流星犯大角

雲氣犯大角

大角星統占

天文別錄曰大角一星赤在攝提間入亢三度主人君之象正天下紀綱法度

石申曰大角明則天下太平暗則王者惡之

天文志曰大角一星在攝提中大角者天王座也又為天棟正紀綱也

古今星釋曰大角星明則天子禮樂法度備舉天下不寧暗則王道不振天下大亂

大象旁通曰大角星亡則天子無宮一曰王者失勢

天下無君

漢天文志曰月蝕大角王者惡之

晉安帝隆安四年七月癸亥大角星散搖五色占曰  
王者流散至元興元年正月盧循自稱征虜將軍  
領孫恩餘衆略有永嘉晉安之地二月帝戎服遣  
西軍

客星犯大角

天文別錄曰客星犯大角則天王不安一曰天子威  
令不行

大象旁通曰客星大如枉桄犯大角則大臣以造祲

言害國政坐法一曰大臣逐遠方

古今星釋曰客星乘守大角近帝席光芒四出則人主有憂一曰小人在位宗社傾覆

彗孛犯大角

天文別錄曰彗星出大角尾掃攝提則大臣有匿謀社稷傾覆一曰宗廟不安

古今星釋曰彗星掃大角則天子惡之傳曰彗星除舊寘新大角天王位故天子惡之

大象旁通曰星孛大角中則王者失勢疆臣擅命紀綱法度不振天下之民流離散徙

晉明帝咸康二年星孛大角為帝座占曰大人惡之  
至五年吳王是其應也

流星犯大角

天文別錄曰流星犯大角則兵起帝庭一曰王者有  
兵憂若色蒼白則兵敗將死若色黃則主勝一曰  
天子自將兵

古今星釋曰流星歷左右攝提入抵大角則天子受  
制于彊臣一曰王者有憂

唐開成二年九月丁酉有星大如斗長可五丈所自  
室壁西北流入大角下沒行類枉矢中天有聲小



星數百隨之

雲氣犯大角

天文別錄曰有蒼白雲氣入大角則兵起天庭一曰大臣有陰謀起兵謀叛有篡弑之禍若黑氣入大角則天子失位一曰天下更王若有黃雲氣入大角則天子有喜一曰大臣進秩

天田星論

天田星統占

客星犯天田

彗孛犯天田

流星犯天田

雲氣犯天田

天田星統占

天文別錄曰天田二星黑在角北其東星入角四度主畿內田也

甘氏占曰天田二星金火守兵旱水守災餘即吉

古今星釋曰天田主王者畿內田也星明則歲豐國富暗則水旱傷禾稼王民大饑畿內白骨籍籍星踈坼則糴貴十倍一星亡主大水二星俱亡主大旱光浮而動搖則水旱失時五穀不登

客星犯天田

天文別錄曰客星蒼白色大如五升器乘守天田則

王畿轉粟百姓勞苦糴貴十倍

古今星釋曰客星乘守天田留三十日不下者天下大荒人相食餓殍相枕若亂麻

彗孛犯天田

天文總占曰彗星出天田尾掃大角則天子自將兵畿甸大擾一曰王者有憂

天文別錄曰彗孛干犯天田則天子憂歲飢王畿多餓莩

流星犯天田

天文別錄曰流星犯天田則夷狄遣使入畿甸境一

曰外國遣使貸粟入境

古今星釋曰流星出天田歷大角攝提則天子遣使出疆貸米外國若流星色白有聲則天下大饑

雲氣犯天田

天文別錄曰蒼白雲氣犯天田則王畿兵起一曰王畿之內破軍殺將若有黑氣入天田則夷狄入寇畿甸中國大擾

梗河星論

梗河星統占

客星犯梗河

彗孛犯梗河

流星犯梗河

雲氣化梗河

梗河統占

天文別錄曰梗河三星赤在大角北其西北星入亢  
八度梗河以備不虞

石申曰梗河三星在大角之北得常則吉慶動則有  
兵喪

天文志曰梗河三星在大角之北梗河者天矛也一  
曰天鋒主胡兵又為喪故其變動應以兵喪也星  
亡則其國有兵謀

古今星釋曰天鋒星主夷狄兵又主貴人喪星明大

而有芒角則胡兵大起色黃潤則胡兵勝餘色俱不利夷狄星微明則夷虜釋干戈棄弓矢星踈坼則胡兵散一曰破軍殺將一星亡則胡兵敗三星俱亡則夷狄無君

### 客星犯梗河

天文別錄曰客星犯梗河則胡兵猖獗入寇中原色白則兵勢強盛餘色俱凶

大象旁通曰客星如粉絮大如桎梏出梗河則匈奴遣使將兵出疆各以其所指之方命其國色黃則兵強色蒼白則兵盛餘色俱不利中國

後漢孝明帝永平四年八月辛酉客星梗河七十日  
去梗河為胡兵其年十一月北匈奴七千騎入五  
原塞

彗孛犯梗河

天文別錄曰彗孛犯梗河則匈奴入寇掠中原境若  
彗本在梗河尾掃外白則以其所指之方其國破  
軍殺將匈奴之軍不可當

古今星釋曰彗出梗河匈奴兵盛又曰彗掃梗河胡  
兵衆多

河圖遺書曰星孛梗河其國有兵喪一曰匈奴兵起

流星犯梗河

天文別錄曰流星出梗河則匈奴遣使將兵問罪以所指之方命其國若流星自外抵觸梗河中原設備以防邊寇色黃則勝餘色俱凶

古今星釋曰流星色蒼白抵觸梗河則匈奴兵勢屈若流星屈曲如虵形而中天有聲抵梗河則胡兵大起

雲氣犯梗河

天文別錄曰有蒼白雲氣入梗河則胡兵起一曰有喪若黑雲氣入梗河則匈奴有兵喪一曰胡主惡



之有黃氣入梗河則兵起強盛入寇中國青赤氣入之則內外交兵

招搖星論

招搖星統占

客星犯招搖

彗孛犯招搖

流星犯招搖

雲氣犯招搖

招搖星統占

天文別錄曰招搖一星黑在梗河北入氏二度半主胡兵一曰招搖匈奴之分也

甘氏占曰招搖一星在梗河之北主胡兵星芒角動

搖變色則兵革大行

天文志曰大角之北一星曰招搖一曰矛楯主胡兵  
占與梗河略相類也招搖與天棟星梗河北斗相  
應則胡虜來受命於中國招搖明而不正胡不受命  
古今星釋曰招搖一星為天子矛楯主夷狄之兵星  
明則胡兵強暗則胡兵衰星亡則天下交兵

大象旁通曰招搖一星光芒四出乍東乍西數搖動  
而不止者則匈奴猖獗不順中國命

河圖遺書曰招搖主胡兵若與大角梗河北斗相應  
不失故常則匈奴受制于中國若招搖明大而出

怒角則匈奴專恣不順中國命

客星犯招搖

天文別錄曰客星犯招搖蠻夷有亂民死君亡國色  
蒼白者如是星黃色出招搖則中國有備以戒不虞  
古今星釋曰客星明大變色出四角則匈奴連兵犯  
順征伐不休

彗孛犯招搖

河圖遺書曰彗孛犯招搖則胡主死一曰夷狄無君  
天文別錄曰彗星如掃帚招搖則胡兵大舉兵散國亡  
古今星釋曰星孛招搖則胡主惡之一曰夷狄君死

漢太初中有星孛于招搖招搖主胡兵其後漢兵擊大宛斬其王招搖遠夷之分也

流星犯招搖

大象旁通曰流星入招搖則夷狄兵弱流星出招搖則夷狄舉兵犯順入侵中國終于亡國

天文總占曰流星起北斗魁中出抵觸招搖則匈奴遣使入質中國

雲氣犯招搖

天文別錄曰有黑雲氣入招搖則夷狄有兵喪若有黃氣入招搖則胡兵強盛其勢不可當餘色俱凶

天門星論

天門星統占

客星犯天門

彗孛犯天門

流星犯天門

雲氣犯天門

天門星統占

天文別錄曰天門二星黑在平星北在左角南主朝聘待諸侯之所

甘德占曰天門二星主朝聘四海諸侯星若見則萬國歸化星不見則兵起。

大象旁通曰天門星踈坼則天子不恭諸侯不受制

古今星釋曰天門星明則四夷來賓若明大而光浮及數動搖者則諸侯起兵王者憂不庭之方

河圖遺書曰天門星並就聚不開則天子無辟雖之禮諸侯不受天子制度星暗則四夷兵起一曰四夷內侵

客星犯天門

天文別錄曰客星犯天門百辟不順王命一曰百辟擅主柄震主威

河圖遺書曰客星大如斗器犯天門中則諸侯專恣禮樂征伐不自天子出

古今星辨曰客星掩天門星則諸侯不朝聘天子一  
曰四夷交侵中國

彗孛犯天門

天文別錄曰彗孛出天門則朝廷不安社稷危一曰  
天子有憂

古今星釋曰彗星犯天門則諸侯入寇中原脅天子  
一曰有自立諸侯又曰社稷有虞

河圖遺書曰星孛天門中則四海諸侯起兵交侵中  
國亦曰強臣挾天子以令諸侯

流星犯天門

天文別錄曰流星犯天門則諸侯不以職貢來王若  
流星抵觸天門則外國來聘色黃則吉餘色皆凶  
天文總占曰流星出天門則天子遣使出疆各以所  
之命其國色黃則吉餘色皆凶

雲氣犯天門

天文別錄曰黑雲氣入天門則諸侯則匿謀一曰外  
國欲謀及天子若白雲氣入天門則四夷起兵若  
青赤氣入天門有兵兵罷無兵兵起有黃雲氣出  
入天門則天子朝聘有禮諸侯各以職來貢

帝席星論



帝席統占

客星犯帝席

彗孛犯帝席

流星犯帝席

雲氣犯帝席

帝席統占

天文別錄曰帝席三星在大角北其西南星入角一十二度為天子燕樂之所

甘德占曰帝席三星黑在大角北天子燕樂之所星明則吉星暗則凶不見則大人失位

天文志曰大角北三星曰帝席主天子宴獻酬酢之所星明則天子飲食燕樂與臣共之星亡則天子

沈湎淫荒治道隳廢王政敗壞國祚滅亡之象

天文別錄曰帝席星就聚則天子嗜飲食燕樂不親政事後宮淫荒之象若一星亡則王者不安三星俱亡則宗廟憂社稷易

### 客星犯帝席

天文別錄曰客星乘守帝席不去五十日以上者則天子不安朝廷有憂若色黃殃淺餘色尤甚

古今星釋曰客星掩帝席主兵入天子庭一曰有更王彗孛犯帝席

天文別錄曰彗孛出帝席光芒四指以其所指之方

占之其國有不順王命者若彗星本在外尾掃帝  
席除舊寘新之象彗掃帝席社稷亡天下易王

古今星釋曰彗星抵帝席奄星不見則國絕嗣

大象旁通曰星字帝席則天子惡之一曰大臣有憂

流星犯帝席

天文別錄曰流星出帝席則有內變一曰天子有內  
憂又曰後宮有虞

雲氣犯帝席

天文別錄曰黑雲氣入帝席則兵起禁庭若蒼白氣  
入帝席衛兵有變若黃氣入帝席則天子有喜有

赤氣入帝席後宮有火災

平星論

平星統占

客星犯平星

彗星犯平星

流星犯平星

雲氣犯平星

平星統占

天文別錄曰平星二星在角南庫樓北其西星入軫  
一十六度主天下刑獄廷尉之職

石申占曰平星二星赤在角南主平刑獄星明則刑  
法平星暗則枉法酷民亦曰天下有冤獄又曰反

常則政荒有曲法

天文志曰平星二星在庫樓之北主平天下之法  
陳卓叙占曰平星明則圉圉空平星亡則枉法濫及  
良善人君之法不公

河圖遺書曰平星疎析則天下不畏法令一曰法令  
繁民不知懼平星就聚則天下興罹獄民有寃囚

客星犯平星

天文別錄曰客星入守平星則大臣枉法若客星奄  
平星則法令出自諸侯一曰有曲法

彗星犯平星

天文別錄曰彗掃平星天下法令廢國政弛將棄祀  
天文總占曰星孛平星中天子受制于強臣一曰臣  
下竊主柄

流星犯平星

天文別錄曰流星犯平星天下有冤獄一曰有刑罰  
不中

大象旁通曰流星抵觸平星有貴星抵罪大臣繫獄  
古今星釋曰流星出平星色黃天子遣廷尉治獄各  
以其所之命其國有聲隱隱如雷尤甚

雲氣犯平星

天文別錄曰黑氣入平星廷尉以事敗坐法一曰執法者下獄若白雲氣入平星則天下寃獄若黃雲氣入平星廷尉受君寵一曰執法者進秩青赤氣入之皆凶

南門星論

南門星統占

客星犯南門

彗孛犯南門

流星犯南門

雲氣犯南門

南門星統占

天文別錄曰南門二星在庫樓南其西星入軫一十度

石申占曰南門二星亦在庫樓南客星犯守及動移  
光搖則外兵至

天文志曰南門二星在庫樓南天之外門也主守兵  
天文別錄曰南門星明則天下安有兵兵罷星暗則  
兵有內變亡一星則衛兵有陰謀二星俱亡則天  
下兵起若光而數動搖外兵入寇天下擾擾

客星犯南門

天文別錄曰客星入南門則外國兵入境又曰外兵  
侵掠內地

大象旁通曰客星守南門光芒四出則內外兵連朝



遷危

彗孛犯南門

天文別錄曰彗星出南門則朝廷不安人君失位之象  
大象旁通曰星孛南門則有內變國祚亡一曰國棄祀  
流星犯南門

天文別錄曰流星犯南門主外寇交侵內兵失利主  
將當之

大象旁通曰流星入抵南門外國兵寇畿甸天子有憂  
雲氣犯南門

天文別錄曰黑雲氣入南門則外寇入國疆一曰夷

狄內侵若白氣入南門外兵至青赤氣入南門則  
天子禁衛不嚴若黃氣入南門禁兵有備以戒不虞

庫樓星論

庫樓星統占

客星犯庫樓

彗孛犯庫樓

流星犯庫樓

雲氣犯庫樓

庫樓星統占

天文別錄曰庫樓內外大小共二十九星在角南庫  
樓西北星入軫一十七度庫樓一十星衛四星其  
西北星入角三度五柱星三三相連共一十五星

散在庫樓中主兵車之府

石申占庫樓十星赤在平星南主兵車之府星有芒  
角及中星不具主大兵起星不明主兵暴至中無  
星則下謀上明大動不安兵出星亡其國無  
君

天文志曰庫樓十星六大星為庫南四星為樓在角  
南一曰天庫兵車之府也旁十五星三三而聚者  
柱也中央小星者衡也主陳兵

天文別錄曰庫樓星就聚則兵內變庫星不具則車  
騎滿野樓星不具則兵暴至五柱聚兵起國中衡

星明大則兵變殺主將

客星犯庫樓

天文別錄曰客星犯庫樓星則外寇暴入國境若守  
衡星則兵勢不振犯五柱則兵軍滿野

大象旁通曰客星乘守庫樓星天子兵勢不振外寇  
入侵破軍殺將

彗孛犯庫樓

天文別錄曰彗星掃庫樓不有破軍必有屠城一曰  
有死將

古今星釋曰星孛庫樓中則天子失地星孛五柱中

天子自將兵若彗孛入之則百姓被戎服

流星犯庫樓

天文別錄曰流星犯庫樓中衡星則人君遣兵禦寇若抵觸五柱星則天子兵內亂

陳卓叙星占星流星出庫樓中則兵車陳于野流星入抵衡柱則外寇入畿甸天子有憂

雲氣犯庫樓

天文別錄曰有蒼白雲氣入庫樓中則兵暴起人君有憂若黑氣入庫樓奄柱衡星則天子兵自變有匿謀及上若有黃氣出入庫樓中則天子兵強若

青赤氣入之則外寇入侵內外戒嚴

陽門星論

陽門星統占

客星犯楊門

彗孛犯楊門

流星犯楊門

雲氣犯楊門

陽門星統占

天文別錄曰楊門二星東其東西入亢一度主邊庭  
險塞亦主邊塞

石申占曰楊門二星赤在庫樓東北主邊險客星入  
之則外夷犯塞

天文志曰庫樓東北二星曰揚門主守邊陲隘塞也

古今星釋曰揚門星明則邊境無虞若明大而有芒角光浮而數動搖則邊險失守外寇暴至若亡一星則邊城陷二星俱亡外夷內侵

大象旁通曰揚門星暗則邊將死寇入侵一曰邊民擾揚門星踈圻邊塞有屠城一曰邊險不守

客星犯揚門

石申曰客星入揚門則夷狄犯塞若乘不去二十日以上四夷交侵中國亦曰有不虞之方

大象旁通曰客星如粉絮守揚門留五十日以上則國境大擾邊將亡戎兵潰天子兵威不振

古今星釋曰客星蒼赤守揚門中則外寇入侵內境一曰邊庭失守

彗孛犯揚門

天文別錄曰彗孛干犯揚門掃星不見則軍破將死國亡

大象旁通曰彗星尾掃揚門邊險有虞天子失土地



流星犯陽門

天文別錄曰流星抵觸陽門則邊境有兵變下戮主將

大象旁通曰流星入犯陽門外寇犯邊境四塞有虞  
一曰天子憂外兵

雲氣犯陽門

天文別錄曰雲氣色黑入奄陽門星往來奄覆則兵  
變邊隅殺主將戍兵潰若有蒼白雲氣如  
人馬狀出入陽門外夷入寇邊民大擾  
若黃氣入陽門王者兵威強外兵衰

息

乾象通鑑卷第八十三